

ig lsiipogtog memisgem mo na meogoai, gato tan tojtio etleoistôg nogo gis me sami tleoistôg totjo sagmro lsiipogoa. telimatel, elmato, ag oenagasit ap tleot elmatotj, elmatotj.

MIGOIMTIMGEOEI OTJIT MSET SAGMAGA.

Sagmatot.

Etaoei môgoe oen ntalsetagon otjit tan gôgoei getoi igatolôgo gamlamonoag gi'jga gtangitetemneoa. Nin mset tesiôgo gesalolôgo, ag gesi atjipatjololôgo môgæ lnim geneg otetjg gtimeo, gtegig piloeg Lnoisagmaga, emg Goetetjg ag gtegiga.

Sist Gasgimtlagnipongegeoieg migoitetmagneg igagag ag pemiag, geneg otetjg oetji notmamgeg, gato mesgeii ntloen alt sagmag mo maoi gtlamitetmitigoeg. Meta tan sagmao onitjan oeli niganipogotoatji ag getleoei maoi espeteg ogoamlamonga, amotj mlgigo tjasôg o'oitjigtômen na teli ngotetjg ag teli espege gôgoeia.

Gato negla migoitetmagneg pemiag, pigoelg oen nige mesgeg mo otatji mlgigotjaton o'oitjigtômena.

Sagmatot ag gileo espôltiôgo, mset getjitoôg, taponemiigtan gpmitetmagen ag gtlamsetoagn alasotmeicinoiigo esmalgosiigo mo goenienenoa.

Amgoeseoei, na, gtji alasotmagen, gotjino papeoit negem niganipogotg, negem mlgignôti gagi osgôtg otjit gtji. tjagmitjinag tan iaptji olôti tli nemi. totaga, paseg gtlamsetagoa.

Tapoôoei, na tan teli gpmitelmogo ag teli gtlamsetago ag teli gsalgo csitgamogoei gtelegemino. Tan tôgo oen gôgoatji gsalatj genigsgaminal, na tôgo elt gôgoatji gsalatal elegeoilitla.

Papeoit gotjino tlia mo tegoeioag ag mo nemiaog, gato teli otapesiigo omlgignôti ngotei tani tesi gisgeg nemitji ag tegoeiatjia, etas patlias papeoit otjit tani geginamoatjia.

Ngotei pa gtelegemino, mest oetapesiigo omlgignôtima, stege papeoit, tan eli alsositj na omlgignôti eli apô-

gonmoeg. Ngotei, tlia mo tegoeioag gesna mo nemiaog gtelegemino gato teli igalolg ag gisi tli apôgonmolgo ngotei tani tasigisgeg tegoeiatji ag nemitjia, etas onagapem gepnlôlag, noi sagmag ag gtegig elegeoiteoi alsositi pematotitj, mset elegoitjig otjit tani niganipogotoatitjia.

Mset gôgoei eoololgos elegeoit mo mestatenogo eli alsositj omlgignôtia; mset gôgoeiigtog eli igalolgo, ag mest negote telitelmog, emg, tan teli elegeoiteoitj, ag tan eli alsositj, otjintos otjit negotetjilitj emg onitjana.

Sagmatot, tsetsetmamg gtelegoitemino elegeoi aptogôpisoti nasatotj 21 gesna 22 tesognilitj tjonal 1911. Panteteteo tôgo mset tesonemigsit mimatjino, aglasieog, Oenotjg, Lnogo, gangoetjg gtegig, o'mesootmeneo, gesnat me natali ginoatoneo tan teli gsalatitj elegeoilitla. Gepnloleigtogoa sagmag atoa msegigteteo emtôgoalting ag moialting Lnoi-sagma ignmoatitj na tli migoitasoltilitja ag na teli sgmalatitji. Na nagoeg tanig Lenoi sagmag emitgogoalatitj o Gepnlôlemoala na tleteo stege elegeoilitl emitgogoalatitjel. Meta tan sagmao niganeoiôtôgo teleoiôtôgoa gtelegemino mset noteo.

Sagmatot, maoen tjipasioitj: ma gelolg oison asgaiolôgo, ptjilio otjag tan teti asite gsalôgo oelmetôgo notgoeg gtelegemino.

Tjotj naneoeia ag oigmatjla.

Lnoi-sagmag omlgignotimoôo taponemiig: papeoiteoei ag elegeoiteoei; gitg oeptingeotitji negla taposilitji espelitji Tjinmoa. Galsoti mset gogoeiigtog gelolg. Nin Glogap.

2. LNOI NISGAMEOIT

NETNA EOGTJIT NISGAM TELI ELNOASIL

Gaplielôg gtjianalseoitag gisi gagi gelolateg Matial, tliisip Eogtjit Nisgam "oasôg oetji pgeies gino pa ogtjit elnoltigo ag elp ogtjit getoi ogsetaolgoeg, oageieg oetjtôg epenege oli nasgoelitet, ogtelamilog, ag otjijt jagamitja oesea-